

武英殿聚珍版書

吳興縣志卷之五

金淵集卷六

元

仇

遠

撰

五言絕句

小齋四花

艾納護春香
橫枝偃霜月
絕憐玉妃面
化作鐵漢骨

右梅

翠翹玉搔頭
湘妃赴蓬島
如何譜騷人
不收此香草

右水仙

晶晶雪前黃
矯矯霜下傑
秋香寧可衰
相與全晚節

右菊

別作一家春故畹已禾黍黃香從何來誰爲東風主

右蠟梅

題扇

溪山隔岸好風雨過橋危何似高樓上停雲且賦詩

程公明

明

茂樹坐終日水流心不競誰識山中居萬動歸一靜

卞平叔

叔

泉急喧溪碓山深怯瘦驢翟湯如冑隱來此卜幽居

翟益

之

紅紫委塵土綠牕清晝長
安知兩三竹風已作秋涼

郎景

韋

欹枕聞春雨開門見綠陰
可人歌扇底猶有惜春心

張德

遠

題趙希賢所藏墨竹

一竿千百葉鳳尾翠交加
曾向僊壇種和風掃落花
新梢霧如沐斷節霜不枯
西牕夕陽下此君何可無
謝家庭下玉化此青琅玕
風標夔不俗誰謂骨相寒

金浦集 卷二
直節豸獻角低枝鸞振羽古色鎮蒼然非煙亦非雨

題畫竹

誰爲籊籊竿乃不如勁草八風動地來直節未易倒
淨洗碧娟娟顏色如少年牕前風收雨階下笋行鞭
直節老欲枯初篁瘦而勁祖孫知幾傳不改君子性
新笋籊半含節下粉猶綠指日南風來吹作階庭玉

五更

僕云月未落或謂夜過半曉眠我正濃漫漫何時旦
一雞一雞鳴夢覺天未曉誰較夜短長我睡不可少

山寺鐘未鳴城樓角已奏角聲正可聽欹枕續殘漏
月轉參旗橫梅花夢方熟羅浮山忽來毋乃地脈縮
杭城打六更市樓已攢點流年莫催人老色將冉冉
丑夜方向寅被衾冷如鐵江南貧者多柰此霜加雪
愁多怯長夜況乃衆病歸何待六十年老矣當知非
鴈鳴鶴亦鳴不待雞戒旦平生善利心一鳴思過半
宰相當時已入待漏院我輩獨何人擁被猶困倦
爐藏火尚紅雪映牕已白夢遊無色界不知身是客

枕上

雞鳴夜過半霜氣入孤衾歲時將脫屣鄰家方搗砧
出門雞一鳴僕馬踏曉凍豈知牧牛兒正作維魚夢
一官振饑荒一官覆水旱州里多應酬田家少愁嘆

七言絕句

三學士圖

李紳能歌詩穆宗召爲學士與李德裕元稹同
在禁署時稱三俊情意相善文宗時召兵部尚
書王起禮部尚書許康佐爲侍講學士中書舍
人柳公權爲侍書學士每有疑義卽召入便殿

顧問謂之三學士恩寵異等今所畫不知何人
予將叩之舜舉之徒

三賢品坐一枰碁日永官閒對紫薇好袖玉堂揮翰手
不爭勝負是知幾

自笑

謁客登門不敢嗔強顏應接暫時親一官本自如冰冷
更有依冰借暖人

正月辛酉大雪三首

繽紛萬片打牕來驀趁斜風舞卻回可怪今春寒特甚

梅花一半未曾開

酒樓柳絮白紛如帶雨隨風密又疎
萬景天全羣動息
玉堂人老臥茅廬

從來春雪有人嫌
六出雖工亦漫然
客舍無氈渾可事
爐無薪炭褐無緜

閏正月十三日夜雪

東風散雪亂如麻
擲瓦敲牕細撒沙
只恐市中薪米貴
不愁江上落梅花

花竹圖

梅癭竹潤楚蘭馨
相約凌波作四清
最愛此君秋一片
湘江煙水曉初晴

倦繡圖

花殘院靜晝陰長
困思瞢騰下繡牀
甯信村中蓬鬢女
夜燈辛苦織機忙

書齋壁

苔色排簷綠上階
詵詵衿佩集虛齋
耳根厭聽閒風雨
惟有讀書聲最佳

風收細雨斷梅天
晝永身閒但欲眠
木枕桃笙真有味

金淵集
卷六
廣文不用歎無氎

早赴東寺行香詩

衝風冒雨過南橋
馬上聞鐘覺寺遙
客髮頓驚秋信早
飛蓬落葉兩蕭蕭

喜晴

一簾遲日忽開晴
側近園池得散行
儘勝草堂窮處士
有花有酒作清明

東郊少步

高低遠近樹陰濃
杖屨閒行萬綠中
一片殘紅無覓處

卻疑身在碧紗籠

野風吹樹廟門開
神象凝塵壁擁苔
笑爾不能爲禍福
村人誰送紙錢來

寒食雨三首

山色空濛寒食雨
楊花零亂溧陽樓
老人豈有傷春事
酒後情懷似感秋

監官州牧趣修園
里正喧呼急報饑
店舍無煙雞犬靜
山村桃李已空枝

梨花白白柳條青
閉閣焚香柰雨聲
聞道清明明日是

江南風土只宜晴

讀陳去非九日詩

憶得甲辰重九日宣和遺恨幾番秋
蔣陵依舊西風在
一度黃花一度愁

秣陵

鑿山疏水出長江王氣如何可厭禳
後五百年依舊在
空教晉帝笑秦皇

龜脊羊腸九里汀
芫花燦燦麥青青
此生不踏江東道
將謂金陵卽秣陵

清正庵

葬秦梓幼女嗣華處

秦女吹簫躡綵霞
孤瑩幽館掩梨花
龍盤金寫崇真字
猶是寧王賜嗣華

猿圖

天竺寒泉夜月明
洞深曾聽兩三聲
秋風木葉圖中見
比似前回太瘦生

王母圖

蟠桃結實許誰偷
笑作承華殿裏遊
紫輦不留青鳥去
小兒空識茂陵秋

題史壽卿二畫

香草何時號水仙
翠翹羅襪步蹁跹
風標宜作梅花伴
不入離騷亦偶然

少年曾讀在原詩
忽見飛鳴傍竹枝
憶著江南好兄弟
歲寒風雪欲何之

題吳遠秋塘雙禽

昔年曾聽雪兒歌
此日池塘見敗荷
寄語鷓鴣春已去
白蘋紅蓼奈秋何

題江貫道雨溪晚釣卷後

雨後滄浪泯泯流樵夫歸去有漁舟江郎縮地能如此
何必雙溪疊嶂游

占風

露立脩筠鶴表同戲拈紙帶爲占風誰言心動非旛動
我本無心似太空

田上暮歸

兩鬢西風客帽斜晚雲橫嶺月籠沙桑疇屈曲人蹤絕
螢火飛來照稻花

酒邊